



Inatsisartunut ilaasortaq Aqqaluaq B. Egede, Inuit Ataqtigiit
Inatsisartut Allattoqarfiat
/Maani

**Naalakkersuisut Namminersornermut inatsit naapertorlugu sulinerat pillugu
§ 37 naapertorlugu apeqquteqaammut nr. 2019/057-imut akissut.**

31-01-2019

Asasara Aqqaluaq B. Egede,

Postboks 1015
3900 Nuuk

Tlf. (+299) 34 50 00

Fax (+299) 32 50 02

E-mail: govsec@nanoq.gl

www.naalakkersuisut.gl

Naalakkersuisut Namminersornermut inatsit naapertorlugu sulinerat pillugu
Inatsisartut Suleriaasianni § 37 naapertorlugu Naalakkersuisunut apeqquteqar-
putit. Apeqqutitit uannut akisassanngorlugit innersuunneqarput.

**1. Naalakkersuisut Siulittaasuata Namminersorneq pillugu inatsit
naapertorlugu suliat suut Naalagaaffeqatitsinnik suleqateqarluni
ingerlassimavai?**

Naalakkersuisuni sulineq tamarmi Naalakkersuisut aamma Inatsisartut Naala-
gaaffeqatigiinnerup iluani aalajangiisinnaatitaanerit akisussaaffeqarnerallu
pillugit Namminersornermut inatsimmi aalajangersakkanik tunngaveqarpoq.
Naalagaaffeqatigiinnerup iluani suleqatigiinnermi attaveqarnerit nikerartorujus-
suarmik assigiinngitsorujussuarmillu pisarmata, suliasat suut aammalu qanoq
amerlatigisut Naalakkersuisut Siulittaasuata apeqqummi allassimasutut
suliarisimanerai, naatsorsornissaat tunngavissaqarsorinngilara.

Apeqqummut allanik oqaatigisassaqaanngilanga.

**2. Namminersorneq pillugu inatsit tunngavigalugu suliat suut
tullinnguullugit Naalakkersuisuniit ingerlanniarneqarpat?**

Apeqqummut 1-imut akissutigat innersuussutigalugu, tassani allassimalluni
Naalakkersuisut sulineranni tamarmi Namminersornermut inatsimmi
aalajangersakkat tunngavigineqartut, Naalakkersuisut suliasat suut
tullinnguullugit suliarissamaarneraat, erseqqinnerusumik allaaserinissaa
isumaqarsorinngilara.

Tamatumunnga taarsiullugu suliniuteqarnerit assersuutigalugu inatsisissatut aalajangiiffigisassatullu siunnersuutitut, politikikkut nassuiaatitut, aningaasanut inatsisissamut siunnersuummi pingaarnersiuiinertut il.il. iluseqartut, Naalackersuisut tamatumunnga aalajangiineri ilutigalugit saqqummertartussat aammalu tamanut saqqummersinneqartartussat, innersuussutigissavakka.

3. Aningaasarsiornikkut nunatta siuariarsimaneranik Naalackersuisut oqaaseqartarnerat Namminersorlutik Oqartussat naalagaaffimmiit akisussaannik nunatsinnut oqartussaaffigiligassanngortitsisoqassava?

Apeqqummut akissuteqaatitut Namminersornermut inatsimmi Namminersorlutik Oqartussat suliassaqarfinnik tiguisarnerat pillugu Kapitali 2-imi aalajangersakkat, innersuussutigissavakka. Namminersorlutik Oqartussat naalagaaffimmit suliassaqarfinnik tiguisineranni piumasaqaatit suut atuuttussaannersut, tassani nassuiarneqarpoq.

Apeqqummut allanik oqaatigisassaqaanngilanga.

4. Aningaasarsiornikkut siuariarnejq inuiaqatigiinni pingaarnersiuiinikkut sanaartugassanut sorlernut aamma ineriartornermi aningaasaliiffigineqartunut sunut aningaasat qaffariaataasut atorineqarpat?

Ataatsimut isigalugu aningaasanut inatsimmi isertitat, tamanna inatsimmi assigisaaniluunniit ataasiakkaatigut aalajangersarneqarsimanngippat, siunertanut immikkut ittunut imaluunniit aningaasartuutitut atugassanngorlugit immikkoortinneqanngitsut, pillugu tunngaviusoq malillugu aningaasanut inatsit aaqqissuussaavoq.

Isertitanut missingersuutit katitigaanerat taamatullu aningaasartuutitut missingersuutini pingaarnersiuiinerit, politikikkut pingaarnersiuiinerit aalajangersimasut aammalu ataatsimoortut aallaavigalugit akuerineqarpoq. 2019-imut aningaasanut inatsisip ilusilersugaanera Siumut, Atassut, Nunatta Qitornai, Inuit Ataqatigiit aamma Demokraatit akornanni aningaasanut inatsimmut isumaqatigiissuteqarnermik tunngaveqarpoq. Isumaqatigiissut Naalackersuisut nittartagaanni pissarsiarineqarsinnaavoq.

Apeqqummut akissuteqaatiga Namminersorlutik Oqartussat iluanni pissutsinut taamaallaat tunngassuteqarpoq, aammalu assersuutigalugu kommuninut,

naalagaaffimmut imaluunniit namminersortut suliassa qarfiinut tunngassuteqarani.

Apeqqummut allanik oqaatigisassaqaanngilanga.

5. Naalackersuinikkut aaqqissuusseqqinnerit ingerlanneqartut pingaarnerit annerit pingasut suut tikkuarneqarsinnaappat?

Isumaqaarpunga maannakkorpiaq suliassa qarfiit annertuut tamarmik iluanni politikikkut suliassa qartoq pingaaruteqartunik, Naalackersuisut akisussaaffiisa aalajangiisinnaatitaanerisalu ataanniittunik. Tamanna tunngavigalugu, allanit salliutillugit politikikkut suliassanik ataasiakkaanik erseqqissaanissamut tunngavissaqaanngitsoq imaluunniit naleqqutinngitsoq, isumaqaarpunga.

Aningaasanut inatsit, aningaasanut inatsit pillugu isumaqatigiissut aammalu assersuutigalugu qulequttat Inatsisartuni sularineqartussanngorlugit oqaluuserisassani Naalackersuisunit inissinneqartartut, isumaga malillugu politikikkut suliassani maannakkorpiaq sularineqartuni annertuunut tunngatitsisoqartoq, aammalu Naalackersuisunut ilaasortat akornanni politikikkut suliassanik pingaaruteqartunik sulariaqartoqartoq, takutitsilluartut.

6. Aningaasaqarnikkut ingerlatsinerup avataatigut Namminiilivinnissaq siunertarerpjarlugu suliat suut Naalackersuisut sularaat?

Aningaasaqarnermut Nunanilu Avannarlarni suleqatigiinnermut Naalackersuisup akissuteqaataa, tunngaviusumik inatsisissap sularineqarnera pillugu § 37 naapertorlugu apeqquteqaammut nr. 2019/21-imut akissuteqaatigineqartoq, innersuussutigissavara.

Apeqqummut allanik oqaatigisassaqaanngilanga.

Inussiarnersumik inuulluaqqusillunga



Kim Kielsen